

la communion se fit le iour de la feste de tous les sts pour obtenir par l'intercession de tous les bien-heureux, un pardon generale de toutes les fautes qui s'estoient commises dans la mission depuis plusieurs annees dans les desordres de l'yurognerie, et pour demander a Dieu pour tous les chrestiens de nostre mission, une resolution ferme de ne plus tomber dans ce peché Nostre Eglise fut touiours pleine presque tout le iour de cete feste. et ie uous aduoitie que ie n'ay iamais eu plus de ioye qu'en voyant la ferueur qu'y faisoient paroistre tous nos sauuaiges le P. Gassot et moy confessasmes tout ceque nous pusmes de Sauuaiges la veillede cete feste. le iour nous y passasmes tout le matin iusqu'apres midy hors le temps de nos messes. et celuy qu'employa le P. Gassot à confesser quelques francois avec le P. Aueneau. ie fus obligé de remettre une partie des communions au lendemain, iour des morts et le lendemain d'en remettre mesme iusqu'au premier dimanche ou nous deuions auoir dans nostre Eglise l'indulgence pour les ames du purgatoire. toutes les prieres soit voluntaires soit ordonnées dans la confession du iour de la toussaint se firent a cete intention d'obtenir une ueritable douleur à ceux qui estoient autrefois tombé dans le peché d'yurognerie. pour les prieres qu'on fit pour les morts le soir du iour de la toussaint quoyque ie les exhorté dans deux petites instructions que ie leur fis dans l'Eglise ce soir là mesme, à prier pour tous ceux qui sont dans les feux du purgatoire, ie fis adresser à dieu toutes les principales prieres et les communions du iour des morts, et du dimanchesuiuant pour les pauvres ames de ceux qui s'estoient autre fois ennyurez et